

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj: 04/1-23- /17
Bihać, _____ .2017. godine

Na osnovu člana 52. stav 1. tačka b) Statuta Grada Bihaća (“Službeni glasnik Grada Bihaća”, broj: 13/15) i člana 183. tačka 2. Poslovnika Gradskog vijeća (“Službeni glasnik Grada Bihaća” broj: 03/16), Gradonačelnik u svojstvu predlagača propisa i drugih akata

O d r e đ u j e

Izvjestioca: Jasmin Stambolija, dipl. pol. na sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o dopunama Odluke o usklađivanju Odluke o osnivanju JKP „Komrad“ d.o.o. Bihać sa zakonom i dopuni djelatnosti

Gradonačelnik
Šuhret Fazlić

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

**Služba za komunalne djelatnosti, vode
zaštitu okoliša i inspeksijske poslove**

Broj: _____/17
Bihać, _____2017.godine

GRADSKO VIJEĆE BIHAĆ
- o v d j e -

**PREDMET: Prijedlog Odluke o dopuni Odluke o usklađivanju Odluke o osnivanju
JKP „Komrad“ d.o.o. Bihać sa zakonom i dopuni djelatnosti, dostavlja se**

Na osnovu člana 52. stav (1) tačka a) Statuta Grada Bihaća (“Službeni glasnik Grada Bihaća”, broj: 13/15) Prijedlog Odluke o dopuni Odluke o usklađivanju Odluke o osnivanju JKP „Komrad“ d.o.o. Bihać sa zakonom i dopuni djelatnosti, dostavlja se

O b r a z l o ž e n j e

Pravni osnov za donošenje:

Pravni osnov za donošenje Odluke o dopuni Odluke o usklađivanju Odluke o osnivanju JKP „Komrad“ d.o.o. Bihać sa zakonom i dopuni djelatnosti, sadržan je u:

- članu 2. Zakona o javnim preduzećima („Službene novine Federacije BiH“ br. 8/05, 81/08, 22/09 i 109/12), kojim je propisano da djelatnosti od javnog društvenog interesa utvrđuju općina, kanton i Federacija BiH, svako u okviru svojih nadležnosti,

- članu 17. Zakona o komunalnim djelatnostima USK-a (“Službeni glasnik USK” broj: 4/11, 11/11, 6/12 i 13/12), kojim je propisano da povjeravanje obavljanja komunalnih djelatnosti i davanje na upravljanje i održavanje komunalnih objekata i uređaja javnom komunalnom preduzeću se reguliše odlukom o osnivanju

- u članu 35. Statuta Grada Bihaća (“Službeni glasnik Grada Bihaća” broj: 13/15) kojim je propisano da Gradsko vijeće donosi pojedinačne i druge akte iz samoupravnog djelokruga u skladu sa zakonima i ovim Statutom.

Razlozi donošenja:

Javno komunalno preduzeće “Komrad” d.o.o. Bihać, dana 05.06.2017. godine, podnijelo je Inicijativu kojom traže povjeravanje poslova - Elektroinstalacijski radovi (Šifra djelatnosti 43.21). Kroz dostavljenu Inicijativu obrazlažu da navedeno preduzeće može obavljati navedene djelatnosti, obzirom da su članom 2. Odluke o usklađivanju Odluke o osnivanju Javnog komunalnog preduzeća “Komrad” Bihać sa zakonom i dopuni djelatnosti i članom 12. Statuta JKP Komrad d.o.o. Bihać (“Službeni glasnik Grada Bihaća”, broj: 7/15) registrovani za obavljanje tih poslova i djelatnosti.

Dana 23.06.2017. godine, su također dostavili Zaključak o povjeravanju poslova Uprave preduzeća, br. 1576/17 od 09.06.2017. godine kojim pored prethodno dostavljene Inicijative za povjeravanje poslova- Elektroinstalacijski radovi traže i povjeravanje poslova- Uklanjanje građevina, gdje smatraju da JKP Komrad doo Bihać može udovoljiti istom, obzirom da su registrovani za naprijed navedene aktivnosti, a što se očituje kroz Statut preduzeća i Aktuelni izvod iz sudskog registra. Uz navedeni Zaključak Uprave preduzeća dostavljeno je Mišljenje Odbora za reviziju broj: 1617/17, Zaključak Nadzornog odbora br. 1644/17 i Odluka Skupštine preduzeća o povjeravanju poslova JKP Komrad doo Bihać br. 1694/17 od 20.06.2017. godine, kojom će se poslovi Elektroinstalacijski radovi i Uklanjanje građevina povjeriti JKP Komrad doo Bihać, te istu prosljeđuju Gradskom vijeću Bihać na usvajanje.

U vezi sa gore izloženim traženo je mišljenje Ministarstva za građenje, prostorno uređenje i zaštitu okoliša USK-a o mogućnosti povjeravanja poslova uklanjanja građevina javnom preduzeću Komrad doo Bihać. U dostavljenom mišljenju br. 11-23-5974-2/17 je navedeno da nema zapreke da se pravna osoba koja se trenutno bavi komunalnim djelatnostima, bavi i poslovima izvođenja građevinskih radova, odnosno poslovima uklanjanja građevina, uz uslov da ista posjeduje ovlaštenje nadležnog ministarstva, kao i da je ista za obavljanje navedenih poslova registrovana kod nadležnog suda.

U smislu navedenih odredaba Zakona o komunalnim djelatnostima USK-a kojim je propisano da se povjeravanje obavljanja komunalne djelatnosti javnom preduzeću reguliše osnivačkim aktom, bilo je neophodno pristupiti usklađivanju osnivačkog akta sa navedenim Zakonom u dijelu povjeravanja navedenih komunalnih djelatnosti, čime se steći uslovi za upis promjena u sudskom registru preduzeća.

Radi gore navedenog, predlažem Gradskom vijeću Bihać usvajanje prijedloga Odluke o dopuni Odluke o usklađivanju Odluke o osnivanju JKP „Komrad“ d.o.o. Bihać sa zakonom i dopuni djelatnosti, kao u predloženom tekstu.

Potrebna finansijska sredstva

Za provođenje ove Odluke nije potrebno obezbjediti finansijska sredstva.

Obradivači:

Fatima Pečenković, dipl. pravnik

Silva Tomljenović Grgić, dipl. ing. građ.

Prilog:

1. Prijedlog Odluke o dopuni Odluke o usklađivanju Odluke o osnivanju JKP „Komrad“ d.o.o. Bihać sa zakonom i dopuni djelatnosti
2. Odluka o usklađivanju Odluke o osnivanju JKP „Komrad“ d.o.o. Bihać sa zakonom i dopuni djelatnosti (“Službeni glasnik Grada Bihaća” broj: 7/15)
3. Inicijativa za povjeravanje poslova JKP “Komrad” d.o.o. Bihać, br. 1479/17 od 31.05.2017. godine
4. Zaključak o povjeravanju poslova Uprave preduzeća br. 1576/17 od 09.06.2017. godine
5. Mišljenje o povjeravanju poslova Odbora za reviziju br. 1617/17 od 13.06.2017. godine
6. Zaključak Nadzornog odbora JKP Komrad doo Bihać, br. 1644/17 od 16.06.2017. godine
7. Odluka Skupštine Društva o povjeravanju poslova JKP Komrad doo Bihać, br.1694/17 od 20.06.2017. godine
8. Mišljenje br. 11-23-5974-2/17 od 06.06.2017. godine

Gradonačelnik
Šuhret Fazlić

Na osnovu člana 2. Zakona o javnim preduzećima („Službene novine Federacije BiH“ br. 8/05, 81/08, 22/09 i 109/12), a u vezi sa članom 17. Zakona o komunalnim djelatnostima („Službeni glasnik USK“, br. 4/11, 11/11, 6/12 i 13/12) i člana 35. stav 1. tačka kk) Statuta Grada Bihaća („Službeni glasnik Grada Bihaća“ broj:13/15), Gradsko vijeće Bihać na 13. sjednici održanoj dana _____2017. godine, d o n o s i

Odluku o dopuni
Odluke o usklađivanju Odluke o osnivanju JKP „Komrad“ d.o.o. Bihać
sa zakonom i dopuni djelatnosti

Član 1.

U Odluci o usklađivanju Odluke o osnivanju Javnog komunalnog preduzeća „Komrad“ d.o.o. Bihać sa zakonom i dopuni djelatnosti - Prečišćeni tekst („Službeni glasnik Grada Bihaća“ broj 7/15), u članu 2. stav (3), dodaje se alineja 1. tako da glasi :

“Javnom komunalnom preduzeću „Komrad“ d.o.o. Bihać povjeravaju se djelatnosti: elektroinstalacijski radovi i uklanjanje građevina“.

Član 2.

Ova Odluka stupa na snagu osmog dana od dana objavljivanja u Službenom glasniku Grada Bihaća.

Gradsko vijeće

Broj: GV _____

Bihać, _____

Predsjedavajući Gradskog vijeća

Davor Župa